

## **SESOTHO (SOUTHERN SOTHO)**

### **STORY 1**

**Ke Ile Ka Tshwarwa Ke Sepolesa Sa Kgethollo Ya Gladys  
Mkhobo (Phetolelo Ya Senyesemane)**

Ke hopola ka 1982 ha ke ne ke tshwarwa mme ke romelwa lebenkeleng la makgowa. Ke ile ka utlwa matsoho a ntshwara mme a nkotla. Ke ne ke tsielehile, mme ka hweletsa ka lentswe le phahameng. Empa ka morao ho moo, ke ile ka ikutlwa ke wela hodima batho ka kamoreng e tletseng banna le basadi. Ke ile ka kwallwa ka seleng mme ka kwallwa seteisheneng sa mapolesa. E ne e le Labohlano mme makgowa ao ke neng ke a sebeletsa, a ile a tla ho tla ntsha empa ba boholong ba hana. Ke ile ka tlameha holo kopana le moahloli ka Mantaha. Ba bangata ba rona re ne re robala fatshe. Ho ne ho se na dikobo. Ntlwana e ne e le ka pela rona. Dijo di ne di tliswa ka sekotlolo sa tshepe, di sutumetswa ho rona ka pampiri, mme ho ne hona le metsi feela. Ha rea ka ra ja ho fihlela ka Mantaha. Ka nako eo re ne re se re le ditshila haholo. Re ile ra iswa kamoreng enngwe moo maponesa a neng a nkile dithunya teng. Haeba re ne re iteta sefuba ho ba sheba, ba ne ba hweletsa, ba botsa hore na ke hobaneng ha re ba sheba mme ba ne ba re rohaka. Lebitso la ka le ile la bitswa, mme ka bolellwa hore ke kene ka lebokoseng la mabokose mme ke phahamise letsoho la ka bakeng sa ho hlapanya ka tsela ena ?? Molimo Nthuse ?? . Ba ile ba mpolella hore lengolo la ka la tumello ha lea nepahala. Ke ile

ka araba mme ba re: "Kgaotsa! Jwale otla ahlolelwa dilemo tse hlano kapa o tlohe Joburg ka ho feletseng mme ose ke wa hlola o robala mona ho hang OR lefa diponto tse makgolo a mahlano. ?? Batho ba basweu bao ke neng ke ba sebeletsa, ba ile ba lefa tjhelete eo mme ke kamoo ke ileng ka baleha tjhankaneng Bedfordview. Ka mora ketsahalo eo, ke tshaba Johannesburg, ke ile ka dula ka tlung mme ha kea ka ka tswa ka tlung. Empa e bile ntho e ntle ha Tata Mandela a lokolloa teronkong, mme a re molao wa "dompass" o tlameha ho fela mme omong le e mong o tlameha ho ba le tokomane ya boitsebiso.

Dintho di ile tsa qala ho ntlafala mme ra ya moo re neng re batla. E ne e le Johannesburg ea tokoloho.

Matsatsing ana, ho a thabisa hobane re bile re rekile ntlo, mme jwale ke moahi wa Johannesburg. Ke na le matlo mme ke leboha Molimo ka mohau wa Hae. Ha ho ya tshwanang le yena. Ke tshepile yena. Ka hare honna ke tletse thabo e kgolo. Jesu wa kganya honna. O ile a nkuka mme a nkopa ka matsoho. Ke thabile. Ke ne ke sa nahane hore ke tla ke ke tshware komporo empa jwale ke e sebedisa ho ngola. Kea leboha, pelo ya ka e otla ka matla. Keya orata; o tletse lerato.

Mosuoe Jeffrey le Mofumahali Edith Khuzwayo ka bobeli ba na le lerato le leholo.

## **STORY 2**

### **Ho holela Kapa Botjhabela ya Zadidi Augusta Mbangeni (Phetolelo ea Senyesemane)**

Dumelang bohole. Lebitso la ka ke Zadidi, ke hlahetse Eastern Cape. Ke rata ho arolelana dipale tsa ha ke ntse ke hola, tseo ke neng ke dirata. Ke holetse le nkongo.

Mosebetsi wa ka e ne e le ho aloisa dikgomo, dinku le dipudi. Ke ne ke tsoha hoseng haholo ho ya hokga metsi sedibeng, ebe ke a bedisa ka mollo ho etsa tee ya nkongo waka, ke tshollele namane enngwe hore e nwe, mme ke sebedise enngwe ho hlapa. Ka mora hore ke apare ke ne ke nka letjeketjane, thapo ya ho tlama maoto a kgomo le molamu wa ho leleka manamane hore a tlise lebese ntle le tshitiso. Hang ha ke qetile ho hama dikgomo le nkongo wa ka, re ne re boloka lebese ka ho le kenya ka hara dijana ho etsa lebese le bodila (Amasi). Ke ne ke nwa tse ding ka ho toba molomong e le tsela ya ho ipha moputso bakeng sa mosebetsi o boima oo ke o entseng. Ka mora moo, ke ne ke isa dikgomo makbulong, moo ke neng ke di siya di fula ha manamane a sala hae. Ha ke kgutlela hae, ke ne ke ja Amasi, mme ha ke qetile, ke ne ke apara unifomo ya ka ebe ke ya sekolong.

Mehleng ya rona ho ne ho thabisa ka lebaka la tlhompho e neng e le teng, kaha re ne re hломpha batho ba baholo. Ha moholo a ne a ka o romela sebakeng se itseng o ne otla ya osa lebella moputso kapa puseletso. Haeba ho etsahala hore o bonwe ke moholo ya nang le moshanyana, re ne re tlwaetse ho matha ka potlako ho ipata e le hore difahleho tsa rona di se ke tsa bonwa hobane haeba di ne di ka bonwa, ho ne ho bolela mathata feela.

Ha re le sekolong, re ne re otlwa ka dithupa. Ha ho ngwana ya sekolo e

Ya neng a ka lwana le titjhere. Ho ne ho ena le tlhompho hara baithuti le matitjhere. Ha sekolo se setswa, ke ne ke ya hae ka ho toba. Ka mora moo, ke ile ka etsa mesebetsi yohle ya ntlo ho thusa nkongo. Ke ne ke boela ke ya sedibeng ho ya kga metsi le ho a boloka ka kitjhineng mme nkongo o ne a re phehela. Ke ne ke rata ho ja lebese le bodila (Amasi). Ka mora hore re je, ke ne ke ya naheng ho ya bokella diphoofolo tsa rona.

Ha re le naheng, re ne re kopana le bana ba bang ba bangata, banana le bashanyana. Re ne re tlwaetse ho bapala dipapali tse nkilweng dipaleng tsa Bibele, tse kang ho tswalwa ha Morena Jesu Kreste le ho thakgiswa ha Morena Jesu Kreste. Matsatsing a mang bashanyana ba ne ba re ruta dipapali tse thahasellisang tse bapalwang ke bashanyana tse kang ho lwana ka dithupa, kamoo re otlang mohanyetsi e mong kateng le kamoo re ka itshireletsang kateng hore re se otlwe. Ho ne ho le monate ho bapala le bashanyana hobane banana ba ne ba tshwarwa ka tlhokomelo le lerato, ha ho moshanyana ya

neng a tla ama ngwanana leha e le ofe ntle le tumellano. Ha e e ba nako ya ho kgutlela hae, re ne re bokella mehlape yohle mme re e bokelletse hammoho, ha re fihla haufi le hae, e mong le e mong wa rona o ne a isa wa hae lekhulong la hae. Ka Moqebelo, re ne re tsoha jwaloka banana ba bang bohle ho ya kga patsi.

Moshanyana ya neng a dula pela rona o ne a tlwaetse ho thusa ka dikgomo ha ke kgutla ho ya lata patsi, mme ke ne ke tswela pele ka mesebetsi ya ka tlung ha moshanyana ea neng a lula pela rona a ntse a anya dikgomo. Re ne re tlwaetse ho ba le setjhaba se hlomphang le se lerato hobane re ne re thusana ka seo re neng re ka se kgona; ka sebele e ne e le sebaka se setle sa ho holela le ho phela ho sona.